
РОССИЯНИНГ МАХСУС КИЙИМЛАР ИШЛАБ ЧИҚАРУВЧИ ЙИРИК “БРИГАДИР” КОМПАНИЯСИ ФАРҶОНАДА ИШЛАБ ЧИҚАРИШ КОРХОНАСИ БАРПО ЭТИШНИ РЕЖАЛАШТИРМОҚДА

Бугун вилоят ҳокимининг ўринбосари - вилоят инвестициялар ва ташқи савдо бошқармаси бошлиғи Иқболжон Эргашев Россиянинг Красноярск ўлкасида фаолият олиб борувчи махсус иш кийимлари ишлаб чиқаришга ихтисослашган йирик “Бригадир” компанияси раҳбари Александр Морозевични қабул қилди.

Россиялик ишбилармон турли корхона ва ташкилотлар ишчи-ходимлари учун сифатли ва арзон махсус кийимларни ишлаб чиқариш бўйича кўп йиллик тажрибага эга эканлигини, бугунги кунда маҳсулотга бўлган талаб юқорилигини инobatга олган ҳолда ва ишлаб чиқариш қувватини ошириш мақсадида Фарғонада ҳам ишлаб чиқаришни йўлга қўйиш истаги борлигини маълум қилди.

Тадбиркорга Фарғонада инвесторларга яратилаётган имкониятлар, вилоятимизда ишлаб турган қўшма текстил корхоналари ҳақида атрофлича маълумотлар берилди. Шунингдек, энг замонавий ускуналарни олиб келиб, уларни жойлаштириш тартиблари тушунтирилди.

“Бригадир” компанияси раҳбари Александр Морозевич Фарғонада ишлаб чиқариш режалаштирилаётган маҳсулотлар тайёр кийим ҳолатида экспорт қилинишини қайд этди.

Россиялик ишбилармон вилоятдаги мавжуд имкониятлар билан яқиндан танишгач, корхонани ишга тушириш жараёнлари борасида музокараларни давом эттиришга келишиб олинди.

[Бизни ижтимоий тармоқларда кузатинг Facebook,](#)
2021-11-25 19:38:28